

(قمع ب صه؟ هي طه نطك خنجهو هوعانجى) هك حسي بهح لب غةجى)

الخدوى: هذا جميل .. جميل جدا يانديم .

النديم : متشكر يا مولاي الخديوى توفيق .

الخدوى: عفارم عليك خوجه .. أنت تمام .. أمرنا بمكافأة مائة جنيه للنشاط الفنى والتمثيل .

النديم : متشكرين يا مولانا الخديوى توفيق .

فتح الله : (ي ه تع ز تعو آد مطك خنجهو) ده عبد الله النديم يا مولاي اللى كان

مهاجم أبوك الخديوى إسماعيل وقفلوا الجرنال له

الخدوى : ده ولد تمام عبد الله النديم .. صوته جميل تمثيل جميل وعقله جميل ..

ابقى فوتى عليا ولد فى السرايا نشوفك .

فتح الله : (ي ه ل زكك خنجهو) يا مولاي الخديوى توفيق .

الخدوى: أفندم .

فتح الله : ميت جنيه كتير .. بيعزقهم شمال ويمين .

الخدوى: انت شرير ولد شرير .. (ي صدق)

(هه خنث عك نطك حسي بهح لب غةجى)

النديم : يا ولاد ميت جنيه من الخديوى توفيق دى مش منحه من جيبه دى فلوس

المصريين .. فلوسكم وأنا ادفع من جيبى عليها عشره جنيه ونستقبل فى

المدرسة ١٠٠ تلميذ من الفقراء يتعلموا .

التلاميذ : هيه .. هيه .

(طك فكى خنث لظ لهزيق وى لاهاني ة)

(قمع ب صه؟ عك مطك مخجل هخج ب)

خديجة : ودفعت عشرة جنيه كمان على الميه يا عبد الله؟

النديم : أيوه .

خديجة : نص مرتبك يا عبد الله .. نص مرتبك يا نديم .. ده احنا كل شهر ما

بنحصلش نص المرتب تقوم تتبرع بيه كمان .. إيش فلان غلبان ادى له

جنيه .. وإيش فلان عيان ادى له جنيه .. ما تتكلم سكت ليه ؟!

النديم : يا خديجة المال مال الله .

- أم عبدالله : يا نديم .. يا نديم .
- خديجة : تعالى يا خالتي .
- أم عبدالله : إيه يا بنى شهر ما أشوفكش وانت فى اسكندرية .
- خديجة : ولا أنا بأشوفه .. طول النهار فـالمدرسة وطول الليل مع المدرسين ..
- وإيش بروفات وإيش تمثيل وإيش غنا وإيش خطابة .
- أم عبدالله : انتى اللى اختارتى .. ياما قلت لك النديم زى البحر .. يوم كده ويوم كده وحياته متشقلبه .
- خديجة : بس والله يا خالتي .. كل ما أمشى فى شارع وللا حارة يقولوا مرات الأستاذ ..الأستاذ بالفم المليان .
- أم عبدالله : سامع يا عبد الله مراتك فرحانه بيبك .
- النديم : أبويا برضه ماجاش معاكى ؟
- أم عبدالله : ما انت عارف .
- النديم : لحد أمتى حيفضل منى زعلان
- وغضبان .. أنا يا أمه من ساعة ما اتولدت وأنا تعبان .
- أم عبدالله : ابوك قالك من الأول أشـتغل معاـيا فـران
- أنت اللى قلت لأ بالفم المليان .
- النديم : أقوم أغسل وشى وآجى لك .. أصل أنا
- رايح مولد السيد البدوى .. تيجى معايا ؟.
- أم عبدالله : لا ياسـىـدى روح انت ومـا تنسـاش
- الحمص والحلاوة .

(يخـت)

- النديم : حاضر .
- أم عبدالله : مالك ياخديجة ؟.
- خديجة : ماليش يا خالتي .
- أم عبدالله : شكلك بيقول حاجة تانية .. فيه إيه ؟
- خديجة : من ساعة ما جبت الواد ومات حسيت ان سى عبد الله حزنان .

- أم عبدالله : ازاي يعنى ؟..
- خديجة : دايمًا شارد وعمال يضحك .. بس ضحك زى البكا .
- أم عبدالله : تبقى ما عرفتيش عبد الله .. عبد الله شاييل هموم كتيرة والضحكة متدارية .
- خديجة : مش الخديوى أفندينا راح المدرسة عند عبد الله النديم .
- أم عبدالله : ويا ترى ابني شتمه زى ماكان بيشتتم أبوه .. ابني وأنا عارفاه .
- خديجة : لأ .. قال له عفارم عليك وصرف لهم مكافأة ١٠٠ ميت جنيه .
- أم عبدالله : الحمد لله .
- خديجة : أبنيك حط عليهم عشرة جنيه من مرتبه وقال إيه ح ياخد ١٠٠ ميت عيل من الفقراء يدفع لهم المصاريف يتعلموا فى المدرسة بالمجان .
- أم عبدالله : الشيخ عبد الله طول عمره طيب .. أبني وأنا عارفاه .
- خديجة : والخديوى قال له أبقي تعالى يا نديم فى القصر .
- النديم : (مفخ غيذ للإزاد) ومين إالى حايروح له !.
- خديجة : ده أفندينا .. مش حا تروح له ؟
- النديم : ده راجل سيرته بطاله وأنا ما عنديش استعداد ابقى شبهة .. أنا رايح طنطا أحضر المولد .. وأجى الصبح أحضر المدرسة .
- أم عبدالله : تقابل الأدبائيه مش كده .. أنا عارفك .
- النديم : عفارم يا أم النديم .
- (يخث .. مع بصه؟ عوطي لزنج .. يطره نئجة لئظ لج زى لأخيه)
- رجل (١) : طول عمرنا نعرف ان التعليم يكـون دين وتفسير وحساب .
- رجل (٢) : وقال إيه النديم بيـعلم الأولاد تمثيـل وخطابـه .. تمثيـل وتقليـد وخطابـة والله حرام .
- رجل (٣) : يا جماعة عبد الله النديم ده إيه .. مؤهلاته إيه .. شهاداته إيه .

رجل (٤) : ده يـا دـوب حـفـظ القـرآن فـى الكـتـاب ولا
كـمـل أـى شـهـادـة .

رجل (١) : وعـمـال يـفـتـح المـدرسـة للـفـقـراء الغـلابـة ..
عـايز أولاد العامة والسوقة تتعلم.

رجل (٢) : الـوـاد ده فـران مـا يـصـلحـش يـبـقـى مـديـر
مدرسة .

رجل (٣) : ده كـمـان بـيـاع مـناديـل فـى المـنـصـورة ..
أزاي يـبـقـى مـديـر مدرسـة ومـعلم يعلم العيال
إيه .. بيع المناديل وللا يبقوا فرانين .

(يـصـحـقـهـم)

المجموعة : قررنا شيل عبد الله النديم .

رجل (١) : استنوا مش حتيجى كده .

المجموعة : تيجى ازاي ..؟

رجل (١) : نشـكـك فـى ذمـتـه ونـعمـل إشـاعـة سـرق
فلـوس المدرسـة وصـرفـها عـلى القـهـاوى مـع
الحشاشين .

المجموعة : أـمـا فـكـرة .. ندبـحـه .. ونـجـرحـه
ونفضحه .

(صـه؟ عـوـطـيـمـخـل مـهـديـق . لـمـنـخـي هـلـع نـخـي جـبـ)

خديجة : يا لهوى قدمت استقالة يا عبد الله ..؟

النديم : الفـسـاد فـى مـصر أـقـوى مـنـى يـا خـديـجة ..

الفـسـاد فـى مـصر لـه نـيـاب زى الـديـاب ..
وأنا حـاـبـقى الـديـه والضـحـية .. شـوـفى
الغـلابـه مـن أـيام أـحـمـس ورمـسـيس مـن أـيام
صـلاح الـديـن .. وهـم هـما الغـلابـة .

خديجة : يـعـنـى إـيـه يـاسـى عـبـد الله ..؟

النديم : الحـرب الجوانية كـبيرة يـا خـديجة ..
جـوه مـصر فـيـه حـرب كـبيرة .. حـرب
على الفساد .

خديجة : حرب إيه ياسى نديم ؟
النديم : أنا شوفت مصر الجوانية شوفت الغلابه بياكلوا مش وبصل وعيش حاف

وساعات ما بيلاقوش عيش ..
أنا شوفت مصر جوه الغيطان ..
كما النيل صفصاف ..
كما النيل .. يدى ما يخاف
رأيتك يا مصر بردانه وجعانة ..
صعبان على اشتكى ..
دى الشكوى لغير الله مهانه ..

خديجة : هو أنا كل ما أسألك تقوللى مصر ..!

النديم : الفن مش حرام والتمثيل مش حرام مادام بيصحى الناس .. وأنا نفسى
الناس تصحى بالطبلة والزمارة والضحكة .. الناس لازم تفهم .

خديجة : فهمنى يـا خويـا الأول .. صحـيح أنـت
متجوز يا سى نديم فى الفلاحين .

النديم : الجواز .. عقلك فى الجواز يا خديجة .

خديجة : آمال أسيبك تتخطف منى يا خويا .

النديم : لما أتجوز حا أقوللك يا خديجة .

(**طال** .. **لإع** بطونـى مـب .. **لج** زطـعـى ؟ .. **ج** كـطـعـى مـى لـأعـى مـو)

(**كـسـيـخ لـح لـع عـانـي لـح لـع زـلـو طـك اـنـهـخ و عـشا و طـمـغـل)**

الأفغانى : يجب أن يقام حزب سياسى لا دينى مؤلف من رجال مختلفى العقيدة
والمذهب أغلبيتهم مسلمون لأن تسعة
أعشار المصـريين مـن المـسـلمين وجميع
المسيحيين واليهود وكل من يحرث أرض
مصر ويـكـلم بـلـغـتـها يـنـضـم اليـه لأنـه لا
ينظر الـى اخـتلاف المـعـتـدات ويعلم ان

الجميع إخوان . وأن حقوقهم فى السياسة والشرائع متساوية وهذا مسلم به عند أخص مشايخ الأزهر ويعتقدون أن الشريعة المحمدية الحقنة تنهى عن البغضاء وتعتبر الناس فى المعاملة سواء وأن إصلاح هذه البلاد قائم على إطلاق الحرية السياسية التى نعتبرها حياة الأمة .. تكلم يا شيخ محمد عبده .

محمد عبده

: ان الخديوى توفيق لم يفهم العوام الكامنة وراء النقود والمعارضة وأغلق جريدة التجارة وجريدة مصر الفتاة وضيق الخناق على الصحف التى يصدرها يعقوب صناع فى الخارج ونفى رجال المعارضة الى السودان حتى وصل عددهم الى ١٠٠٠ ألف ونشر البوليس السرى لمراقبة أعضاء حزبنا .. إننا نطالب بحكم ديمقراطى وبرلمان حقيقى وأن يتساوى الناس أمام القانون حتى نحارب الفساد وأن ننهض بسياسة التعليم وأن ننهض بمستوى برفع مرتبات الموظفين لخدمة البلاد .. تكلم يا أحمد عرابى .

أحمد عرابى

: إن مصر للمصريين .. ان الأمة المصرية يجب أن تنهض .

النديم

: الأمة المصرية .. ما دور الأدب ياشيخ جمال الدين الأفغانى ؟

الأفغانى

: الأدب لابد وأن يخدم الشعب .. ويطالب بحقوق الشعب ويدفع عنها الظلم ويهاجم من اعتدى عليها أيا كان .. ويبين سوء حالهم ومواقع

بؤسهم ويبصرهم بمن كان سبب فقرهم ويحرضهم على أن
يخرجوا من الظلمات الى النور انى
أوصيت وشجعت الأستاذ ميخائيل عبد
السيد لإمداد جريدة الوطن ذات الصبغة
الأدبية فلتكتب بها يا نديم وإننى شجعت الأستاذ أديب اسحاق
لإنشاء جريدة مصر.

أحمد عرابى : الناس تريد منك خطبة ..

(شه طهيج لثيذ)

الأفغانى : انظروا اهرام مصر وهياكل ممفيس .

محمد عبده : وآثار طيبة ومشاهد سيوة وحصون
دمياط .

أحمد عرابى : فهى شاهده بمنعة آبائكم وعزة اجدادكم
هبوا من غفلتكم يا مصريين .

النديم : اصحوا من سكرتكم عيشوا كباقي الأمم
أحرار .

الجميع : عيشوا احرار يا مصريين .

النديم : (ينغمو)

أنا الأديب الأدبائى ..

عاشق ومصر دى حياتى ..

(ينغمو)

(شه طهيج زة شيذ)

(قمع بصه؟ عوطيهمغل هه بك ز اقل نغ هلع ن خنجج ب)

النديم : إيه ياخديجة ..؟

خديجة : مالك يا نديم ..؟

النديم : صعبان على أشتكى وطنى جريح .. وأنا مجروح

وبأتغابى وبأتناسى .. وباغنى الكلمة الوناسة ..

أسكر الناس وأضحكهم وأغفلهم وأغفل
يفعل من غير قصد .. ماعدش جوايا مرايا .. وأبقى أحسن من

تقول لى ان الوطن آية ..
الوطن مش كلام ولا أنغام ..
الوطن مش كلمة من خمس حروف ..
والخدوى توفيق بخنجر ..
بيطعننى وأنا كنت نديمه وكنت مغمى .

خديجة : انشالله تنقطع ايده اللى يطعنك ..
النديم : ٢٨ سنه عايش يا خديجة واننا مش دارى

.. جمال الدين الأفغانى قلب لى دماغى
ومحمد عبده فتح لى عيونى كانى ضرير
شوقنى الشوارع والناس من تانى .. أحمد
عربى زى صلاح الدين لأ .. زى
بيبرس .. لأ .. زى أحمد .. لأ ..
عربى زى ربح جايه من جوه مصر ..
واطلع لى يا شوارع واتهدى يا بيوت ..
واتحرق لى يا مزارع وانطلق لى يا جموع ..
عربى .. عربى يا ولد .. الطلبه ..
الفلاحين ثايرين .. يا طلبه مصر .. يا
شعبها الزاحف .. هذ ساعتم لتسقط
حكومة رياض باشا ..

(شهد طلع لى ذ)

(قمع بصد؟ .. آح لى عفا و افل نى)

أحمد عربى : الثورة فشلت يا نديم .
النديم : لأ ما فشلتش .

أحمد عربى : فيه خيانة يا نديم .. فى المصريين على
خانى .. شيخ الإسلام محمد
العباسى خانى وأصدر فتوى بأن عربى
خاين .

النديم : ما تسلمش معاك المسلمين من قلب
أفريقيـا وأقاصي الهنـد وبنغـازي وطـرابلس
والسودان والجزائر .

أحمد عرابي : ما اقدرش اتهممت وسلمت .

(طالع عفو عفاو)

البارودي : اسـكندرية ولعنت والأهـالي هجـت
والأتـراك خانوك يـا عرابـي .. السـلطان
عبد السيد خانـه وخانـا .. عرابـي اتهمـزم فـي
التل الكبير .. سلم نفسك يا نديم .

النديم : مـش مسـلم نفسـي .. الشـعب لا يمـكن
يموت . (يجنو)

(يؤذنه في بـ .. يـطـحـفـيـف .. يـصـدق لـنـحـب .. لـشـاـج .. لـعـنـي)

النديم : أبويا .. أمي .. اسكندرية بتتحرق قوم
يا آبه قومي يا أمه سافروا للشرقية .

مصباح : سبت عرابي ليه ..؟

النديم : ما سـبـتـهـوش يـا بـا .. خـيـانـة مـن كـل
صـوب .. الخـديـوى مـن جـهـة والسـلطان
عبد الحميد والإنجليـز وعـلى خـنـفس
والمصريين يـاعـينـي يـا ولـداه .. قـوم يـابـا
ياللا .

أم عبدالله : أنا مش ماشية يـا عبد الله من اسكندرية
.. حتـي لو اتـحـرقـت وغـرقـت دى بـلـدى
يا ضنايا .

النديم : الإنجليـز يـا أمـه بيولـعـوا فـي اسـكندرية
والناس هاجرت .

مصباح : وأنت ؟

النديم : أنا يابا جيت أشوفكم وأطمئن عليكم .

أم عبدالله : فيك الخير يا ضى العين .

النديم : أنا مطلوب من الإنجليز يا بابا الكل سلم إلا أنا .

مصباح : وناوى على إييه يا ابن مصباح .. مش قلت لك خليك فـران .. قلت لأ .. أدباتوجرنـالجى .. وبعـدين رقبـتك بيطالب بها الخديوى توفيق صاحبك .

النديم : أنا صاحبى عرابى .. صاحبى محمد عبده وجمال الدين الأفغانى وسامى البارودى .. الخـديوى لأ..فتح القتـال وعدى المراكـب الانجليزىة علشان تضرب اسكندرية .

مصباح : اعملى له لقمة ياكلها يا م عبد الله .

أم عبدالله : حاضر .. نسيت من فرحتى بيه .

النديم : لأ يا أمه أنا ماشى لازم أهرب بسرعة.

أم عبد الله : روح يا ضـنايا الفلاحـين .. روح الشـرقية .. بلـدك وخيلانـك وعمامـك يخـبـوك لو كان بإيدى يا ضـنايا لخبيتـك فى قلبى واتهنى بـيك .. لحطيتـك فى عينى وأغمض عليك .

النديم : آه يا رحمه .. ادعى لى يا أمه .

أم عبدالله : دعيـا لك إلهى ربنا يحميك وينصرك على مين يعاديك يا عبدالله يا ابن مصباح.

مصباح : خد منى خمسة جنيه تحويشة العمر .

النديم : (يقـى) (يقـى) (يقـى) (يقـى) (يقـى) (يقـى) (يقـى) (يقـى) (يقـى) (يقـى) تسلم يا بابا .. أنا معايا فلوس ما تخافش .

مصباح : دى فلـوس حـلال مـن عرقـى .. القـرش بألف جنيه من فلوسك .

النديم : يا بابا فلوسى حلال .

مصباح : أى شـغلـه مـن أشـغـالك دى مـا تخشـش
دماغى يا عبد الله قلت لأ .. قلت الكتاب
على باب الحارة تروح يا نديم من البيت
للكتاب وتروح وتعلم وتكبر وتخبز معايا
فى الدكان .. تتجوز وتنأام مرتاح البال
وتجيب عيال .. قلت لأ ..

أم عبدالله : ابنى عبد الله كان نفسه يبقى ملك أو
سلطان .. ابنى وأنا عارفاه .. نديم
الملوك وغنى مع محمد عثمان وله كلام
جميل ..

النديم : الله .

أم عبدالله : كلامه زى الذهب والناس ماطرح ما
يحط رجله تتكلم عليه .

صوت : الإنجليز داخلين البلد .

أم عبدالله : أهرب يا ضنايا .

مصباح : اهرب يا بنى ربنا معاك .

النديم : حاضر . (يخف و)

زمارة : النديم كان هنا وهرب .

(قمع بصد ؟)

(طعمخول ويق تلصق لى ع لنى ٨ زمرة)

النديم : انت ما بتجريش ليه .. الإنجليز حـا
يقتلوك .

مصطفى : النديم كتب لنا واجهوا أعداءنا .

النديم : انت تعرف النديم ؟

مصطفى : أنا اقرأ له .

النديم : أسمك ايه يا بنى ؟

مصطفى : اسمى مصطفى كامل .

النديم

: مارحش تعبى هدر يا مصطفى .. بكرة
تكبر وتحمل الرايه يا فتى .

(يجنوطهم غيل)

مصطفى

: أنت مين ؟

النديم

: انا عبد الله النديم .

مصطفى

: انتظر .. انتظر يا سيدى .

(آخى بطركه الطلق اص عيـذ)

زمارة

: خمس دقائق انتظروا معانا واسـتريحوا
واشـربوا حاجة سـاقعة ودرـدشـوا وفرشـوا
.. وبعدين معانا نكمل الحكاية .

(زاتنظف شاكى لاهك)

الفصل الثانى

مغنواتى المحروسة

(رلئبئخ علكى ح كططسئهم ز غوىنخ)

زمارة : وأدور عليك فى الحوارى والحارات

كأنك يا جدع سندباد

وغاوى تلف البلاد

وغاوى توغى العباد

وغاوى تشد الحكومة ع الزناد

وتنبض بقلمك غناوى الحصاد

وتزرع وانت ماشى فى الدماغ ثورات

وتعلى بصوتك تهز عروش الفساد

يا نديم يا عبد الله

يا حاجة حلوة بعتها لنا الله

وكأنك كما النيل بتفيض

وكأنك طمى التحريض

يا صاحبى وغايب

احنا فى كل زمن ردئ

بنرجع لسيرتك تضىء الشموع للشباب

ونحلم بأم مصرية تولد جدع زيك يهز العباد

واحنا مشخصاتية ممثلين وممثلات ..

كتاب وكاتبات .. شعرا وشاعرات ..

مخرجين ومخرجات ..

وبتوع ديكور وبتوع كلام

وبتوع غناوى

ولمثلةك نخاوى

ونغوى نهز بيبك ضمير الوطن لما ينداس

تحت رجلين الجهالة والفساد

(صہ؟ عکو غنہ بطیحة تریف .. ل شاء جي چڪ ز آلہ طی صطنی لأم بچرو)

الضابط : اسمك ؟

مصباح : مصباح ابراهيم .

الضابط : بتشتغل ايه ؟

مصباح : خباز .

الضابط : كذاب .

مصباح : الله يسامحك .. حد قال لك انى باشتغل حاجة تانية ؟

الضابط : كنت بتشتغل نجار مراكب .. صح ؟

مصباح : كان زمان قبل ثلاثين سنة وبعدين فتحت المخبز .

الضابط : شوفت ابنك عبد الله آخر مرة إمتى ؟

مصباح : يوم ما وقف محمد عبده وأحمد فرج وعبد القادر عبد الصمد وحسن رضوان

فِي التَّلِّ الْكَبِيرِ لِحَدِّ مَا مَاتُوا .

الضابط : أنت سياسي و احنا مش عارفين .

مصباح : ده كلام الناس الغلابه مش الكبار الفاهمين .

الضابط : ابنك فين ؟

مصباح : ما أعرفش طول عمره هريان منى .

الضابط : كان يجتمع مع عرابي والأفغاني ومحمد عبده عندك ؟

مصباح : (صدق) يا أم عبد الله قال عرابي باشا كان يبجي عندنا في العشة بتاعتنا ده

كان يبقى يوم هنا .

الضابط : يعنى ما اجتمعوش عندكم فى يوم من الأيام ؟

مصباح : البشاوات الكبار دول يسيبوا بر مصر كله ويجمعوا عندنا !

الضابط : ابنك فين ؟

مصباح : لما تعرف هو فين دللني عليه .. أشد ودانه وأضره قدامك .. ما أصل أنا ياما

قلت له بلاش شغل الجرائين .. لكن هو مين !!..

الضابط : لما يبجي عندك أو يزورك أحسن لك تبلى عليه .

- مصباح : (مؤزعة هج ؟) حاضر أول ما يجيني أبلغ عليه وأقول لكم تعالوا ادبحوه وربوه أصل ما عرفتش أربييه .
- الضابط : واحنا حنديك ألف جنييه .
- مصباح : شوية ألف جنييه ، ده ابني برضه .!!
- الضابط : حا أديلك ألف جنييه وأشوف لك بيت كبير وأعمل لك فرن كمان .
- مصباح : ده كلام تمام أصل ابني ما سمعش الكلام .
- الضابط : اسمع يا مصباح .
- مصباح : أمرك يا باشا .
- الضابط : لو لعبت بديك معايا حا أقطعه وأقطع لسانك وأتهمك بالخيانة العظمى .
- مصباح : خيانة ليه كفى الله الشر ؟
- الضابط : ابنك متهم بالتحريض على أمن الدولة وإثارة الفتن والقتل .
- مصباح : أنا لما القاه حا أبلغكم وأسلمهولكم بس فيه مشكله .
- الضابط : إيه ؟
- مصباح : لما يجي هنا عبد الله كل كفر عشرين تتلم عليه فأنا شايف انكم تقبضوا عليهم كلهم علشان ما يهرهبوش .
- الضابط : دى نصيحة غالية .. افراج أبو عبد الله .
- مصباح : وأم عبد الله ؟
- الضابط : حنقق معاها ونفرج عنها .
- مصباح : متشكرين .
- الضابط : عسكري .. خد مصباح .
- مصباح : ما تنساش يا باشا لو قبضتم عليه تبقوا تقوله ابوك بيقول لك انك وحشته قوى .
- (صه ؟ عـ و طـ مـ غـ لـ ظ لـ جـ لـ هـ دـ بـ لـ مـ طـ لـ سـ لـ جـ مـ لـ مـ قـ)
- طـ مـ غـ لـ يـ لـ زـ قـ طـ نـ اـ نـ اـ بـ يـ نـ مـ وـ آـ نـ جـ بـ اـ لـ كـ لـ مـ قـ يـ طـ مـ نـ جـ مـ غـ وـ هـ مـ غـ نـ يـ جـ اـ مـ مـ حـ قـ لـ نـ
- مـ مـ حـ زـ اـ نـ هـ اـ مـ لـ اـ لـ قـ دـ مـ غـ وـ حـ يـ مـ مـ كـ جـ لـ مـ ؟)
- (هـ يـ زـ كـ نـ طـ مـ حـ صـ نـ دـ مـ)
- رجل (١) : قول يا شيخ يوسف يا مدنى .. ايه معنى الحريه ؟

رجل (۲)

رجل (۳)

رجل (۲)

(هي نه عيلى لى مغل لى مقوق غوروى سى حى هز نى لى مو)

(ہاں خیمہ اند؟ بلکہ تیرا کھنڈی صانع ہو)

(يخك زك)

رجل (۱)

مافیش حد هنا بالاسم ده .

النديم

رجل (۲)

رجل (۳)

رجل (٤)

(صد؟ عكول عانجئ) غوطية خوف آل اللط صطري لأمجيدرو)

الضابط

أم عبد الله

الضابط

أم عبد الله

مصر.. باشا .. بيه .. عمده .. شيخ خفر .. فلاح .. نجار .. حداد.. زبال كل مصر تعرفه .

الضابط

سره ؟.

أم عبد الله

تسمع غناه تانى يوم فى طنطا .. أن سافر اسوان تسمع تانى يوم حكايته فى

إلا عبد الله لا صاحب سر ولا صاحب مال ويا عيني يا ولداه ولا عنده دمياط..

عِيَال ، اتجوز أكثر من مرة ، لأ ، أكثر من مرتين وجاب بدل العيل اثنين أو أكثر

ويموت الواد منهم بعد أسبوع أسبوعين .. شهر شهرين .. بينزلوا الولاد دبلانين ..

أصل عبد الله ضعيف

- الضابط : طيب خلاص .. خلاص .. لما عبد الله يحب يسهر .. بيسهر فين ؟
- أم عبدالله : عبد الله اتخلق يسهر ما ينام الا بعد صلاة الفجر .. يصلى وينام كام ساعة وقبل ما تحمى الشمس تلقاه فى الشارع وفى الأسواق .
- الضابط : كويس كويس (ي هف) بيسهر فين ومع مين ؟
- أم عبدالله : تلقاه فى الموالد فى القهاوى .
- الضابط : كويس كويس .. انهو قهوة ؟
- أم عبدالله : والله يا باشا تقدر تسأل عليه انت .. أنا مرة بعث أخوه يسأل عليه لقاه ايه فى عشرين قهوة قالوا كان هنا .. قلت الواد اتجنن مش عبد الله .. اخوه .. إزاي عبد الله فى عشرين قهوة فى ليلة واحدة ياولداه .. ما صدقتش ولما حكيت للناس تانى يوم لقيت الكلام صحيح .
- الضابط : بقولك ايه .. عبد الله مطلوب القبض عليه .
- أم عبدالله : مطلوب القبض عليه .. هو بيتاجر فى الحشيش ؟
- الضابط : لأ ..
- أم عبدالله : آه صحيح الحشيش مش ممنوع والتجارة فيه زى التجارة فى الفجل والكرات .. مطلوب القبض عليه يبقى يبييع سلاح .
- الضابط : لأ ..
- أم عبدالله : لا سلاح ولا حشيش .. أموال عمل ايه
- قوللى يا باشا ..؟
- الضابط : عبد الله بيعرض النحاس ضد النظام
- ضد الانجليز .. امن الدولة والإستقرار .
- أم عبدالله : مش فاهمة ..!
- الضابط : عبد الله كفر .
- أم عبدالله : فشـر .. ابنى بيصلى الوقت بوقتـه ..
- بتكذب عليا .
- الضابط : لما يعصى الخـديوى ويشـتم الحكومـه
- يبقى ايه .. تسميه ايه ؟

أم عبدالله : يـاه خـضـتـنى يـا باشـا .. فـجـعـتـنى .. قـول
دماغه ناشفه شوية .. انتم بالراحه عليه
سايسوه .. عبد الله عصبي ما يحبش
الغلط .. هو انتم عملتم غلط ؟.

الضابط : ابنك عمل غلط و شتم .
أم عبدالله : يعنى ايه لما يشتم الحكومه .. حيقطع
من جسمها حنة .. لما يشتمكم اشتهموه هو
يشتم الحكومه .. الحكومه تشتمه .. مش
تضربوه الافترا حرام يا باشا .. اللى
يشتمكم اشتهموه واللى يضربكم اضربوه
وانا ما صدقش ان عبد الله ابنى يقدر
يضرب الحكومه .

الضابط : شوفى يـا أم عبد الله .. ابنك مظـلـوب
القبض عليه .

أم عبدالله : ما أنا بسألك يا بيه ليه ؟
الضابط : ابنك غلط ولازم يتأدب وعلشان كده
عملنا للناس مكافأة ألف جنيهه للى يقبض
عليه .

أم عبدالله : ألف جنيهه للى يقبض عليه ..! علشان
شتم الحكومه ..! ماهى الناس بتشتم
بعض طول النهار وبتشتم الحكومه ..
الحكومة كل واحد يشتمها تدفع ألف جنيهه
للى يقبض عليه .. ماتدى كل واحد من
الناس ألف جنيهه ماحدش حيشتم خالص ..
الناس جعانه ياييه .. أمال انتم جاينين ليه
.. سايبين بلدكم وجاينين ليه؟

الضابط : احنا جاينين علشان اسـتـقـرار مـصر
ونطعم الجعانيين .. انجلترا العظمى جايه

مصرر علشان تطعم الناس الغلابة
المصريين .

أم عبدالله : جايين من بلدكم وتاعبين نفسكم علشان
تأكلونا .. ده انتوا ناس طيبين قوى .. كنتم
خليكموا واحنا نجيلكم ناخد الأكمل
ونوزعه بمعرفتنا .. كنا بعثناكم كام
مقاول انفار من بلدنا ييجي ياخد الأكل ..
وللا أبو عبد الله كان ييجي ياخذ العيش .

الضابط : خلاص .. خلاص .. الست دى بره .. بره .

أم عبدالله : انت زعلت منى وللا حاجه .. اذا كنتم
زعلانين من عبد الله حقكم عليا .. انا
مستعدية أمسح الشتيمة من على كتف
الحكومة .

الضابط : الست دى بره .. بره .. بس اسمعى لـ
جه ابنك تبلغينا وإلا حاقطع رقبتـه
قدامك .

أم عبدالله : أنت عصبى قوى يا باشا وابنى عصبى
زيك .. علشان كده قوللى الست والدتك
فين أفوت عليها أتكلم معاها .. يمكن احنا
الكبار نحل المشكلة سوا .

الضابط : بره .. بره .

(يغني ب لهضم وخو لشنطكو شلن لم زيم .. هوخو لشنطكو شلن لم زيم)
(ج كدب لهزوقي بغوخغيق ب)

للمغول للمغول ي خت لمطح جنب هفخ تمقذ غورو لغناو)

النديم : أيوه يا أم حسن .

خديجة : الأكل جهز يا حاج على .

النديم : تعبتك معايا يا أم حسن .

خديجة : تعبك راحة ياسى نديم .

النديم	: خديجة .
خديجة	: غصبن عنى لسانى غلط حقتك عليا .. يا حاج على .
النديم	: الواد صالح فين .. يا صالح يا صالح.
خديجة	: الواد ده مخلص قوى يا حاج .
النديم	: المصبرى أصلا مخلص لكن ساعات بيتحول .. يا صالح .
صالح	: أيوه يا حاج على .. جاى أنا أهه .
النديم	: تعال كل معانا لقمة .
صالح	: (يخحك) أنا جيت أهه .
النديم	: بتعمل إيه ؟
صالح	: سمعت آخر خبر .. شالوا شيخ الإسلام محمد العباسى اللى أصدر الفتوى .. وعينوا بداله الشيخ محمد الامبابى .
	(يصد ثلثهم بخيل غويك صدق)
خديجة	: بتضحك على إيه يا حاج .. على خديجة ؟
النديم	: الراجل باع ضميره وأصدر فتوى بأننا كفرة . واللى ما يسمعش كلام الخديوى توفيق يبقى كافر وشوفى الدنيا .. كافأوه بأنهم شالوه وقعدوه فى البيت .
خديجة	: ربك بينتقم منه .
النديم	: يا سلام ربك منتقم جبار .
صالح	: الحمد لله .
خديجة	: (تلقز جهائم) آى .. آى .
النديم	: مالك يا خديجة ؟

خديجة : مـش عارفـه .. نغـزه جامـدة جـت فـى
جنبى .

صالح : أعمل لك شوية نغاع (يجرى)

خديجة : مـش عارفـة يـا نـديم .. جنبى حينفجر
منى .

النديم : أمسكى نفسك أmaal يا خديجة .. ده أنت مرات النديم .. أوعى تضعفى يا خديجة .

خديجة : جنبى يا سى نديم .

النديم : يا شيخ محمد يا همشرى ... يا عمدة... يا عمدة .

الهمشرى : (يخـطـطـع لـنـجـ) خير يا استاذ ..؟

النديم : خديجة تعبانة قوى .

الهمشرى : مفيش دكتور إلا فى المركز .. واحنا بعد العشا .

النديم : طيب أعمل إيه .

خديجة : ما تعملش حاجة .. أنا حا أخف .. حا أخف بإذن الله .

الهمشرى : آخدها حدانا مع الحريم يشوفوها .

خديجة : أنا طالعة أهه .. حا اقوم أهه .. (تولى هـة خـت .. تمـطـنـكـمـخـلـ) عبد الله .

النديم : أيوه يا خديجة .

خديجة : لو مت ادفنى هنا وماتروحش اسكندرية.. اوعى تسلم نفسك يا عبد الله .

(تـخـتـ)

(طالـ .. صـه؟ عـوطـمـخـلـ)

صالح : (يخـطـطـع لـنـجـ) إيه يا شيخ على يا مغربى ؟

النديم : أيوه يا صالح .

صالح : شهرين من بعد موت الست خديجة وأنت مهموم وحزين .

النديم : تعبـت يـا صـالح .. أروح فـين .. شـوـفـت

الشيخ الهمشرى .. شوفت عمدة العتوة .

صالح : تـلـت سـنـين مـضـى فـنا ومـدارينا والبـولـيس

الانجليزى قالب الدنيا علينا .

- النديم : ست سنين هربانين يا حسن .
- صالح : أول مرة تندهلى باسمى الحقيقة من
- ست سنين .
- النديم : أنا عايزك تبلغ عنى .
- صالح : أنا أبلغ عنك .. ينقطع لسانى ورقبتى
- كمان لو بلغت عنك .
- النديم : أسمعنى كويس .. لما تبلغ عنى حا
- تقبض ألف جنيه .
- صالح : أنت بتقول إيه ؟..
- النديم : ألف جنيهه تعمل بيهم مشروع وكل سنة
- من مكسبك تطبع كتاب عن عربى وعن
- الأحرار فى مصر.
- صالح : وعن النديم .
- النديم : صح .
- صالح : أوعى يا عم عبد الله تقول الكلام ده
- تانى .. ده أنا بحبك لله فى الله .. ده انت
- علمتنى وفهمتنى ازاي ما أعيش حمار
- وان البلد دى بلدنا بالوحدة يا عم عبد
- الله.
- النديم : لأ .. أنا حاسس أن مصر كلها معايا
- بس أنا .
- صالح : انت إيه ؟
- النديم : أنا انسان .. انسان .. ساعات بأضعف
- .. وساعات بأبقى أكبر من الجبال ..
- انسان يا صالح .. أنا مش بنى آدم .. أنا
- شاعر وكاتب ومغنواتى وأدباتى وفى
- النهاية انسان .

صالح : انت لسه ما صالتيش العشا .. قوم صلي
وأقرأ القرآن زي كل يوم وسبح وغنى
وأغنى معاك .

الهمشري : (~~مطبخ~~) يا أستاذ .. يا شيخ
على يا مغربي .

صالح : اتفضل يا عمدة .

الهمشري : إيه يا سي صالح .. الأستاذ فين ؟

صالح : أهه . قاعد .

الهمشري : دخلى الأكل للأستاذ يا فاطمة .

فاطمة : حاضر يابا .

النديم : تاعب نفسك ليه يا عمدة .

الهمشري : أنا اللي تاعب نفسي وللا انت .

النديم : أنا .. !

الهمشري : أيوه بقى لك كام شهر من ساعة
المرحومة وأنت قافل على نفسك .

فاطمة : (~~تخرجك لك شهيبي~~) الأكل يا أستاذ .

الهمشري : فاطمة بنتى .

النديم : أهلا وسهلا .

الهمشري : فاطمة عايزك تعلمها القراية والكتابة
وتفهمها .

النديم : (~~ليصدق~~) فاطمة عروسة ما شاء الله .

الهمشري : خلاص مدام عروسة تتجوزها وتعلمها
وتفهمها .

النديم : أصل (~~يتهاق~~)

فاطمة : أنا ماشية يابا عايز حاجة .. ؟

الهمشري : وفى المثل قالوا أخطب لبنتك ومما
تخطبش لابنك .

صالح	: أيوه يا عمدة ده كلام صحيح .
النديم	: أسكت يا صالح .
الهمشري	: جرى إليه يا أستاذ هو احنا مش قد المقام وللا إيه .. مش عايز تناسبنى وللا إيه ؟
النديم	: بتعطف عليا يا عمدة ..؟
الهمشري	: أنت عطفـت على مصرر كلها .. لو مصرر كلها عطيتك بناتها وفلوسها ما توفكش حقك يا أستاذ .. واحنا عملنا الواجب يا أستاذ .
النديم	: فاطمة صغيرة .
الهمشري	: لا مش صغيرة عندها عشرين سنة .
فاطمة	(لهزيق وطهرعت .. غش لبطنه غلي بجزم)
النديم	: يعنى إيه وطن يا أستاذ ..؟
فاطمة	: يعنى الناس .
النديم	: الناس دى كلها يعنى وطن ..؟
فاطمة	: لأ الناس والأرض والدار .. يعنى العلم والرغيف والسكن والحريّة .. فيه واحد زى فى بلاد بره قال إيه فايدة الوطن يكون كبير وانا حزين وفقير .. عايش فى ذل وشقى .. خايف وأسير .
فاطمة	: كلامك حلوى يا أستاذ .. احكى لى عن أحمد عرابى .
النديم	: آخر مرة شفته
عرابى	(غلايس ائق) (صه؟ عكو لعنق) (يظهذ) اسمع يا نديم .

- النديم : أيوه يا عرابى باشا .
- عرابى : انت الوحيد الذى تحمل رسالة منى
للخديوى توفيق .. انت الوحيد الذى
أأتمنك .. حاسس بالخيانة حواليه من كل
صوب.
- النديم : أمرك يا باشا .
- عرابى : الرسالة أهي تقول له فيها أن يعفو عنا.
- النديم : بتقول إيه ؟
- عرابى : اسـكـندرية بتتحرق يا نـديـم والمدافع
ضربتها والإنجليز جاين بكل أسلحتهم
يضربونا .
- النديم : والشعب معاك .
- عرابى : الشعب خذنى يا نديم .. صدقوا فتوى
السلطان عبدالحميد .
- محمد عبده : (يطحن) أنا قلت لك يا عرابى
الشعب وعيه ضعيف .
- عرابى : يا شيخ محمد عبده أنا أثق فى الناس .
- محمد عبده : الناس الجهلاء لا يصنعون الثورة .
- عرابى : كلهم فقراء .
- محمد عبده : فقر وجهل لا يصنع ثورة .
- عرابى : ساندنى يا شيخ محمد عبده .
- محمد عبده : حاسـانـدك بس أنا مشفق عليك يا
عرابى .. الناس حتخذلك
(يخفف و لحن عابث)
- النديم : كان معاه حق الشيخ محمد عبده .
- عرابى : ياللا يا نديم .. اجرى وقابل الخديوى .
(يجنو .. هه لحن)

(صه؟يخف و لم عكو عفاو)

النديم : وفى كفر الدوار سمعت الأخبار .
صوت (١) : عرابى سلم نفسه .. عرابى سلم نفسه .
النديم : يا عرابى سلمت نفسك قبل ما تاخذ
العفو .

(صه؟ عكو عفاو لب)

فاطمة : وسلم نفسه ..؟
النديم : أيوه .
فاطمة : والجواب ؟
النديم : ما عايش ليه لازمه .
فاطمة : مش حتنام يا سى نديم ؟
النديم : أيوه ياللا يا فاطمة (يخنج م)
(يخحك لك ولك وهزنج م لك لخنج م .. لمتق م)
متولى : أنا عوض .
سرحان : وأنا عوضين .

متولى وسرحان : (يلا تسمع م لمتق م) احنا الاتنين مخبرين
.. فاهمين .. بن دور على عبد الله النديم
.. مستخبي فين .. سمعنا انه عند العمدة
هنا .. صح وللا لأ ..

(طال عجي له)

زمارة : وعثمانلية عايزينه وانجليز .. وخونة
مصريين أفنديية .. مطلوب النديم ..
مطلوب لسانه يقطعوه .. تلت دول كبار
الاستانة والخليفة العثمانى وملكة الإنجليز
والخدوى واقفين قدام لسان النديم .

(ل عانج) فى . غوطك لخار هلع ه ل شائج

أم عبدالله : العيش خلص يا مصباح يا لالا افقـل
الفرن .

مصباح : فيه عشرترغفة أهم .. خديهم .

أم عبدالله : المخبـرين الاتنـيين قاعـدين على القهـوة
من الصبح قدام الفرن .

مصباح : ماهو كل يوم يبعثوا اتنين شكل .

أم عبدالله : صـعبانين علىـا يا مصـباح .. دول مـا
أكلوش من ساعة ما جم .

مصباح : عايزه ايه ؟

أم عبدالله : يابنى أنت وهو .. يابنى انت وهو ..

(تمتخ وعي له لئ)

متولى : أنا ؟

سرحان : أنا ؟

أم عبدالله : ايوه تعالوا

متولى : دى بتنادى علينا .

سرحان : الظاهر كشفتنا .

أم عبدالله : يابنى تعالى ما تخافش

(يد مائده لئ)

أم عبدالله : أسمك ايه ؟

متولى : حسن .

مصباح : وأنت ؟

سرحان : حسنين .

أم عبدالله : خد أنت رغيفين .

مصباح : وأنت رغيفين .

متولى : احنا شبعانين .

سرحان : شبعانين !!

أم عبدالله : يا بني انتم قاعددين قدامنا طول النهار ..
يا بني ربحوا نفسكم لما ييجي عبد الله
حاروح أناديكم .. عاملين على كل
المصريين مخبرين ما شفتهموش عملوا
مخبرين على الانجليز وللا الأرمن وللا
الخواجات بس مخبر على كل مصرى .

أم عبدالله : قول لهم عبدالله مش عدو ليكم .

متولى : احنا مالناش ذنب دى أوامر .

سرحان : معلىش يا حاجة .. دى أوامر .

(يبد ما دمك وطق في و)

(تخلك مش ابطك حزن .. تاح ع مطق ذم حوة جن)

أم عبدالله : ريحة عبد الله جاية .

مصباح : انتى اتجنيتى يا ولية !

فاطمة : ده فرن عم مصباح ؟

أم عبدالله : أيوه يا بنتى .

فاطمة : عايزه عجين .

مصباح : عجين إيه ؟

فاطمة : انت عم مصباح ؟

أم عبدالله : انت مين ؟

فاطمة : انا فاطمة مرات عبد الله .

أم عبدالله : يا بنتى (تحمم) من ريحة

الحبايب مش قلت لك يا مصباح .

متولى : (تحمم) وطق في و) شوف الست

دى بيحضنوها ازاى .. دى مرسال ..

سرحان : مرسال إيه .. دى واحدة قريبتهم .

(لَشَعْنُ أَجِي نَقِي طَلْعُ م غَد هَلْ عَمِي نِي) هُنَّ نَقِي بِي خ ز ج م ن ط ك ح ب ل ز غ ن ي م . . ي ج نو
ن ي ط ك ل خ ا ذ)

أم عبدالله : عبد الله فين ؟

مصباح : صحته عاملة إيه ؟

أم عبدالله : بیاکل کویس ؟

مصباح : هو فين ؟

فاطمة : فى البالد حـ دانا .. وهو بعثنى عشان

ادیکم فلوس .

أم عبد الله : فلوس إيهاأحنا قلقانين عليه .

فاطمة : هو بخير .

أم عبدالله : قـولى لـه أمـك بتـسـلم عـليـك وأبـوك

وأخوك كلنا بنسلم عليه .. وأهل الحارة .. قولى له الواد زمارة بطل يبيع الجرانين علشان بتشتتمك وأهالى كفر عشرين كلهم يبسلموا عليك.

مصباح : قولى له ابوك بيقول لك هومش

زعلان ان البوليس يببهدله عشانك ..
قولى له خالى بالك من نفسك .. وما
تقلقش عليه .

أم عبدالله : قولي له أمك مربية لك عشرين جـوز

فَإِذَا رَأَوْا تُجُورًا فَارْتَمُوا بِهِنَّ فِي أَدْنَى الْأَرْضِ وَلَا يَمْسَسْكُمْ إِنْهُنَّ أَشْيَاءٌ وَلَا يَتَحَصَّنَ مِنْهُنَّ الَّذِينَ هُمْ يَكْتُمُونَ

لحد ما تجي يا عبد الله واتكحل عينها
بيك .

(طلال)

(يخبطك جهمخ وحصطن طجة نقو)

(يخفهم ائ الطمع لني)

الضابط : أفتح الباب .. أفتح الباب .

النديم : مين .. مين .. مين ؟

الضابط : احنا الحكومة .

(عاينى) هظن لبه شكج)

صالح : اطلع لهم أنا ياسيدي وأقول لهم أنا عبد
الله النديم .

النديم : لأ .. أنا حاشوفهم عايزين إيه ...

(خيطة جطها اطلعده لو) .. نعم فيه إيه ؟

الضابط : أنت عبد الله النديم ؟

النديم : أنا تاجر مغربي اسمي على المغربي ..

مين عبد الله النديم .. ؟

الضابط : مش انت عبد الله النديم ؟

فاطمة : ما فـيش حد هنا اسمه عبد الله ..

جوزي الشيخ على المغربي .. مغربي

صاحب أبويا .. كان معاه فى الحج .

الضابط : فتشوا البيت ..

(يخبطك جهمخ زقذنية سهم هلاي جهم آخ)

صالح : أنتم عايزين واحد اسمه عبد الله ..

ساكن فى البلد الثانية .

الضابط : لا .. احنا عايزين عبد الله النديم .

عسكري : مالقناش حاجة .

الضابط : خلاص .. كله يجمع بره .

(يخذه م)

(يخذه م هي يتركه ملكا ا)

النديم : الحمد لله .

(خف عوطي ا)

فاطمة : استر يارب .

النديم : (خفية ج) أيوه .

الضابط : خد عشرة جنييه نص اللى معايا .. أنا

معجب ببيك ومش حاسلمك حتى لو

كانت الجائزة ميت الف جنييه .. سلاموا

عليكم يا شيخ على المغربى .

(تمرك آخى ب .. لك زنى نمذ ز لة ح ا لشذمة ح المصك .. هة قن طك زئخ لم فك شم .

هكك م عكض هكك الماخ)

(نيك لزحقة وي لذغو حن ل عانج)

(ناصد م قفلى شح وي مؤيل هخ طك خيل .. آشح ويئ سع ا .. هنج نو عوطي خيل)

أم عبدالله : أنت مين يا ضنايا .. كانى أعرفك من

زمان .. مش انت فرجانى صاحب النديم؟

المسحراتى : أيوه يا أم عبد الله أنا فرجانى والـ زمن

خوان واتقلب الميزان .. بدل ما كان

عربى رمز البطولة بقى رمز الخيانة

وبدل ما كان النديم صوت النيل على

الناس وعلى الربابة وصوت الناس

الغلابة .. بقى صورته على الحيطان

والبيان و فى الجرايد مطلوب .

أم عبدالله : أبوه عيان يا فرجانى .. وأنا قلقانة عليه

وقلقانة على النديم .

المسحراتي : أنا سمعت انهم شافوه فى إيطاليا سافر
لبلاد الخواجات .. النديم بقى له حكايات
فى طول وعرض البلاد .

أم عبدالله : لو سمعت حاجة تانية يا ضنايا عنه أو
قابلت حد رايح له قول له أبوك بعافيه
تعبان شوية .. وأمك مشتاقة لك يا ضنايا
والدار خلّيت من الضحكات .

المسحراتي : اصحى يا ناييم .. وحد الندايم اصحى يا
شعبى .. ودارى على النديم .

(يخث .. صد؟ عكو ح ز م ط ص ظ ن ج و آ ل ش ط ص ظ ن ج و آ ل م ج ي ر و)

حسن : ايوه يا خواجه .

الضابط : فيه إيه ولد ..؟

حسن : محسوبك حسن الفرارجى .

الضابط : انتى حمارة قاتت عايز أشوف الضابط
الإنجليزى .

حسن : أنا محسوبك حسن الفرارجى .. بتاع
فراخ .. أنا عايزك تدينى الحلاوة ألف
جنيه .. أنا شفت النديم وعرفت مكانه فى

الضابط : فىن ولد ..؟

حسن : ادينى ألف جنيه الأول .

الضابط : يا حمارة .. (يـ لـ زـ عـ قـ نـ) ودينى على
مكان عبد الله النديم .

حسن : يا الله يا بيه .. (يـ خـ عـ زـ آ لـ نـ) (يـ خـ عـ زـ آ لـ نـ)

(طال مصد؟ عكو لمرك عايجى ط م ج ل)

زماره : يومها حسن الفرارجى حلم بأنه وصل
للأعيان وبقى له مكان بالألف جنيه
وحببقى صاحب السلطان .. ماهى

الضابط : (يخ عوكله اظهده لو .. شهة
يا نيم .. أنم
محاصر من كل مكان .

النديم	: لازم أسلم نفسى .
فاطمة	: لا ياسى عبد الله .
صالح	: اطلع بدالك ياسـيدى وأقول لهم أنا النديم .

النديم : شكرا يا صالح .. خللى بالك من فاطمة
(نحية جيك ائد ا)

الضابط : **فین عبد الله النديم ؟**
النديم : **أنا أهه .**

(مرهك آغجي ب)

لم .. لم .. لم .. لم كل الفلاحين ..
لم .. لم .. لم .. لم كل الوطنيين ..
ولم ولا تخلى ومصر حتعدى
من سجن المعتدين

(صه؟ عو هتوك طعي يا ب)

قاسم : أسمك وسنك ؟

النديم : عبد الله مصباح إبراهيم وأسم الشـهرة
عبد الله النديم .

قاسم : أجيب لك شای وللا عصیر ..؟

الندیم : متشکر .

قاسم : أنت متهم بإثارة الفتنة ضد النظام ؟

النديم : مصرر للمصريين واذا كان النظر امام مصر
المصريين ابقى أنا معاه أكيد .

قاسم : أنت جعان ؟ .. أبعت أجيب لك أكل..؟

النديم : لا .. مش جعان .

قاسم : سؤال ؟

(يغمز فذلل آلي م لظطع قهقهة .. هتي . آزلتق هلمد عذ طي جئ ا .. هتي . زللمو هلمد
عئفق لم رلئم)

قاسم : أنتهسى .. اتفضل يا أسأتاذ عبـد الله ..
نصفوا له السجن وخطوا له لمبة نور.

النديم : (ابح سدب) متشكر .

قاسم : ليّه طلب عندك أحب ماتردنيش فيه .

النديم : اتفضل .

قاسم : اسمح لى أبوس جبينك وابوس ايدك .

النديم : استغفر الله يا بنى .. انت اسمك إيه ؟

قاسم : أنا من معجبيـنك .. أنا تلميـذك قاسم
أمين .

(قهقهة ائلاصئب)

الضابط الانجليزى : قررنا نحن المعتمد البريطانى شنق
عبد الله النديم .

الخدوى : أمرنا نحن الخديوى توفيق العفـو عن
عبد الله النديم ونفيه الى الخارج .

النديم : أسافر الى يافا فى فلسطين .

(يغنى فلسطين منفاى يا حوايا وشفايا)

أم عبد الله : ولدى .. ولدى والسلطة خطفت ولدى

ولدى .. ولدى والسلطة نفت ولدى ..

مصباح : خلاص يارحمة خلاص .

زمارة : على المركب خدوه ومن اسـكندرية
ودوه .. وامه يا ولداه فى كفر عـشـرى
بتناديه والبحر الاسـكندرانى كان مفتخر
بيـه .. ما هو صاحبه وعارفه وعاشـره عبد
الله النديم .

وجدى : يا أهل كفر عـشـرى الخـديوى توفيق
مات .. الخـديوى مات وابنه الخـديوى
عباس التانى اصدر أمر افراج عن عبد
الله النديم .. عبد الله النديم راجع .

أم عبدالله : (تمرح) عبد الله راجع عـبـد الله
راجع .

مصباح : عبد الله جاى عبد الله جاى .
فاطمة : يادى الهنا .. أنا مش مصدقة نفسى عبد
الله راجع .. عبد الله راجع .

أم عبدالله : ازوقى يا فاطمة واتحللى وادهنوا البيـت
وزوقوه .. وأفتحوا الشبابيك المقفولة .
وجدى : زوقوا اسكندرية كلها .

مصباح : زوقوا مصر كلها وأول ما ييجى قولوا
له أبوك مستنيك تفتح الفرن وتقف فيه
كفاية اللي راح من عمرك هدر .

زمارة : صباح الخير يا مصر صباح النور .

(لظ لهزوق وظلنـج هـلـأ غـمـو هـأ غـي بـج لـعـي بـزك لـنـيـ زلا لـنـهـج هـجـي لـك زلا لـنـ)
(ي لـنـهـج هـجـي لـأ غـمـو هـلـأ غـمـك لـعـمـنـج حـز مـطـمـنـج و هـنـج آ شـأ نـطـمـد هـك هـك جـهـم)
رجل (١) : حسن الفرارجى من يوم ماسـرقوا منـه
الألف جنيـه مكافأة النديم وهو أصبح
مجنون .

حسن : أنا اللي سلمت النديم وسرقوا مني
الألف جنيه .. عملتوها يا إنجليز فيا .. يا
شماتة العدوين فيا .

(صه؟ عكو عانج) ههنيخ عكطخ نذ

النديم : رحمه .. يا ماي .. يا مه .
أم عبدالله : نديم .. عبد الله .. ازيك يا ضنايا .
النديم : أبويا شيخ مصباح النبيل .
مصباح : بطل شعر وكلام مزوق .
النديم : وحشتني يابا .. تابعك دايم ويايا .
فاطمة : ازيك يا سى عبد الله ..؟
النديم : ازيك يا فاطمة وازى صحتك ..؟
أم عبدالله : فاطمة دى تتاقل بالذهب يا نديم .
فاطمة : نورت دارك .
وجدى : نورت مصر ياسى عبد الله .
زمارة : نورت الدنيا كلها .
عسكري : عبد الله النديم ساكن هنا ..؟
أم عبدالله : إيه .. عايزينه تانى .. هو عمل لكم إيه؟
مصباح : ابني حishtغل فى الفرن معايا .
فاطمة : حرام عليكم اتغريبت ٩ سنين و ٩ شهور
منفى .

العسكري : أنا جاي لى أشارة م الخديوى عباس
التانى أفندينا عايز يقابله فى الحال .

النديم : ما تخافيش يا امه .
أم عبدالله : حاخدوك تانى ..؟
النديم : ما تخافيش يا امه .
فاطمة : آجى معاك يا سى عبد الله ..؟

- النديم : لا يا فاطمة .
- مصباح : أقول إياه .. منهم لله .. منهم لله .. بس
- النديم : انت السبب يا بنى .
- النديم : ما تخافش يا بابا .. يا لله بينا يا عسكرى .
- (صه؟ عوطك خج عا ز)
- عباس : اهلا يا نديم .
- النديم : اهلا بيبك يا أفندينا .
- عباس : أنا من المعجبين بقلمك ورأيك .
- النديم : ده شرف كبير ليّا يا مولاي .
- عباس : حتى كتابتك عن والدنا الخديوى توفيق معظمها صحيح وكتاباتك عن جدنا الخديوى اسماعيل معظمها صحيح .
- النديم : ده كلام صريح .
- عباس : تمام أفندم .. عشان كده أنا عايزك ترجع تكتب وتعمل جرنال .. أكتب أفندم كل اللي تشوفه صحيح وزى ما تعودنا منك القلم الصريح .
- النديم : شكرا يا أفندينا .. حا أكون عند حسن ظنك بينا .
- (لهزقو)
- زمارة : أقرأ الأستاذ .. أقرأ جريدة الأستاذ ..
- مصطفى كامل : (سئاد) ادبنى يا عم جريدة الأستاذ .
- زمارة : اتفضل .
- شاب (٢) : اياه يا مصطفى كامل .. لسه بتقرأ للأستاذ .
- مصطفى كامل : عبد الله النديم كاتب كلام جميل .

(شهد قتلهم مغل .. لظ شهرة لشرف وقداك)

ان مصرر للمصريين .. لا لتركيا لا للأوربيين ..
وعلى الجماهير ان تلتف حول الخديوى امير
البلاد .. لا خوف من الاحتلال .. وعلى الأحزاب ان تكون متألفة وأن توظف
الجماهير .. وأن يكون لكل حزب جريدة وله كامل الحرية فى إيقاظ روح الأمة
..

رجل (١) : ٢٨٤٠ نسخة بتتباع من الجريدة يا
شيخ عبد الله .

(صدق؟ عوطي كمن قنه لظ نخر هو عائد ز)

كرومر : خديوى مصرر وأفندينا عباس الثانى ..
فيه أمر بإغلاق جريدة الأستاذ ونفى عبد
الله النديم خارج البلاد .

عباس : ازاي الكلام ده يا لورد كرومر ؟
كرومر : دى مش تعليماتى دى تعليمات عليا من
حكومة انجلترا العظمى .

(آلهة عوطي مغل)

النديم : ان الغاء بيوت الدعاة أمر هام وتحديد
عدد الخمارات أمر هام لقد ازداد عدد
الخمارات التى يديرها الأجانب منبثين فى
المدن والقرى والأرياف ويجب على
الوطن ايقاف الغزو والمخدرات .

كرومر : هذا الولد يجب أن ينفى فوراً .. ممنوع
الولد من الكتابة فى المنفى .

(صدق؟ عوطي مغل من لـب)

فاطمة : حتسافر تانى وتسيبنى لوحدى !
النديم : مش بإيدى يافاطمة مش بإيدى .
فاطمة : مش أنت اللي كتبت وزعلتهم .. ماهى
ناس كتير بتكتب وعائشه .

النديم

: مش كل من مسك القلم كاتب ولا كل
من كتب كاتب .. ولا كل من ركب
الحصان فارس .. وأنا فارس كلمة يا
فاطمة .. ما أقدرش ابقى كاتب زى
بردعة الحمار .. وما أقدرش ابقى من
الخصيان .

فاطمة

: أمك دلوقتى حا تعمل إيه .. حا أقول
لها إيه .. وابوك غضبان عليك ..
ابوك غضبان عليك .. ورايح فلسطين
أشـمـعنى فلسطين يعنى دى بعيدة علينا
قوى .

النديم

: آه يا فاطمة لـو تعرفى .. فلسطين زى
مصر تمام .. كل ناسها زى ناسنا.

فاطمة

: وحاتبعت لنا جوابات ؟

النديم

: أكيد يا فاطمة .

فاطمة

: مش حتيجى تسلم على أمك وأبوك ..؟

النديم

: خايف عليهم من الوداع .. قولى لهم
سافر وأول ما حا اوصل حا أبعت لهم
جواب .. وخدى اديهم كل الفلوس اللى
معايا .. وأنا حا اتصرف .

(يعنى يـاـقـمـحـي)

فاطمة

: أنا عايزه أفهم أشـمـعنى انت اللى
قاصدينك .. وليه أنت بالذات ما بتسمعش

كلام الحكومة وأنت اللى نافيينك ؟

النديم

: أنا مصر يا فاطمة .

فاطمة

: يعنى إيه أنت مصر ؟

النديم

: أنا مصر بن بنصر بن حمام بن نوح
عليه السلام .. أنا اللي شيلت الأمانة
والبلد خدت .. أنا مصر يا فاطمة .

فاطمة

: اسمع يا نديم .. لو غبت هناك أتجوز يا
خويا وجيب لك عيل وأنا هنا حا
أستناك .. خلى جنبك واحدة تعملك الشاي
وتغسل هدمتك وتشوف لك لقمة كويسة
عشان انت دايم عيان .

النديم

: حاضر يا فاطمة يا أصيلة .

فاطمة

: أوعدني انك ما تزعلمش هناك أحسن
ينفوك في بلاد بعيدة .

النديم

: حاضر يا فاطمة .. حاضر .. خللي
بالك من امي ومن أبويا والواد أخويا
خليه يتجوز وتقفي له في فرجه ما أنت
مرات أخوه الكبير .

فاطمة

: حاضر يا نديم .. حاضر .

(أخي بالذ لعتي .. طي صح قبيء غني بطني لب فخرني بطني ازل لب مكنزي بطني لمة خ و حجب
مكتوري بي)

(شهرة لنق الطحاحذ)

زمارة

: أمر السلطان عبد الحميد باستضافة عبد
الله النديم وسفره الى الآستانة في تركيا
التعبانة وعينه بمرتب ٥٠ جنيه مفتش
للمطبوعات .

فاطمة

: (لمة) / فخره (ب) اللهم اجعله خير
.. اللهم اجعله خير ..

أم عبدالله : خير يا فاطمة .

فاطمة : شوفت اللهم اجعله خير ..

أم عبدالله : اللهم اجعله خير .. احكى لى يا بنتى .
فاطمة : شـوـفـت قـال إـيـه أنا واقفة فى بـسـتـان
أخضر .

أم عبدالله : حلو الأخضر فى الحلم .
فاطمة : حظ على كتفى حمام أبيض .
أم عبدالله : والحمام حلو فى الحلم .
فاطمة : وقال إيه مسـكـته بإيديه وميـاـت عليه
أحكى له .. جات سحابة سودة خفت
أتفرعت قام الحمام من ايدى .

أم عبدالله : يا ساتر يارب .
فاطمة : طار الحمام .. قعدت أنادى عليه وأغنى
له .. جالى وهو جالى لى وقع جريت
عليه أشوف ماله أتاريه طب فى مية
الترعة والتيار سحبه يا ولداه .

أم عبدالله : يا ساتر يارب .. ده كابوس يافاطمة ..
كابوس يافاطمة .. قومي اتوضى وصلى .

(صه؟ عكوطيني هـ هـج لكطيني هي لأغتمو)

الأفغانى : أنا وأنت يا عبد الله فى تركيا .
النديم : أنا وأنت هنا وعرابى هناك .. عينى
عليك يا بر مصر .

(ي زيك)

الأفغانى : وحشانى والله يانديم أم الدنيا .
النديم : أشمعنى مصر يا مولاي الأفغانى .

(ي زيك)

الأفغانى : مصر هـى قـنـديل الـبـلاد وعـوـد العـبـاد
وروح الحـضـارة ولـلـإسـلام مـنـارة ..
وحضن الأعراب الدافى .

النديم

: دا شعر جميل يامولانا الأفغانى .

(ي زيك)

الأفغانى

: مالك يانديم .. لسه تعبان ..؟

النديم

: تعبان قوى يامولانا .. السعال فى

صدرى تعبنى .

(ي زيك اسخ شيقظ)

الأفغانى

: نديم .. نديم .. نديم ..

النديم

: أيوه يا مولانا أنا أهه .

الأفغانى

: قوم أوصلك للدار .

النديم

: أمرك يا مولانا .

الأفغانى

: يا الله يا نديم . (يخ نجام)

(صه؟ عوآل عاجئ) هغش لب .. يرخك رلقب هلهط .

زمارة

: يا أم عبد الله .. جاي لك موظف من

الحكومة بيقول معاه تذاكر علشان

تسافرى تشوفى النديم أنت وأبوه .

فاطمة

: ماله النديم ؟

أم عبدالله

: ابنى ماله .. مش كنتم بتقولوا جاي ..؟

فاطمة

: حلمى يا أمه اتفسر .

أم عبدالله

: اخرسى يا بنت الكلب أبنى حى ما متش

فاطمة

: يا قهرى يا أمى ضهرى اتحل وساب

منى .. وايدى بتترعش .

مصباح

: قلت له مالكمش دعوة بالجرانين وأشغلك

فران .. واذا ماعجبكش افتح لك أى دكان

أم عبدالله : ابنى مات صحيح يا شيخ أفغانى ..؟

الأفغانى

: كل من عليها فان .

أم عبدالله

: ابنى فين ؟

الأفغانى : أنا دفنته بإيدى فى قبر بمـدفن يحيى
أفندى باشكطاش فى تركيا .

أم عبدالله : طب هاتهلولى هنا فى مصر .
الأفغانى : فعلا .. مصر لازم تجيبهولك هنا .

(صه؟ عوطك النديم)

أحمد تيمور : ومن تأمل بعين الإيعاظ فى تقلب
الأحوال بالنديم وما ذاقه من حلو الزمان
ومره وما قاساه مدة الاختفاء ثم النفس
حتى مات غريباً حق له العجب ..
وعرف كيف يعبث الزمان بأهل الفضل
فى بنييه .. فهو شهى الحديث .. حلو
الفكاهة .. اذا أوجز ود المحادث منه
التطويل فهو فى ذكاء أياس وفصاحة
سحبان وقبح الجاحظ .

(آخ لنخ تي لهدز)

جـورج زيـدان : أما أخلاقه فكان باراً بوالديه وذوى
قربته .. وكان شاعراً فصيحاً جريئاً
وكاتباً ثائراً .

(جهنـج وويـجـم)

الأفغانى : ما رأيت فى مثل النديم طـوال حياته فى
توقد الـذهن وصفاء القريحة وشدة
المعارضة ووضوح الدليل .

مصطفى كامل (سئاء) : (ياقو)

شاب (١) : بتبكي ليه يا مصطفى كامل ؟

مصطفى كامل : مات عبد الله النديم .

شاب (٢) : هو قريبك ..؟

مصطفى كامل : أكثر .. أكثر .

شاب (٣) : يبقى لك إيه يا مصطفى ..؟

مصطفى كامل : ده اللي علمنى وريانى بكلامه

(طالي)

قاسم أمين : يا أبو عبد الله .. أنا أسـمى قاسـم أمـين

وأى حاجة تعوزها أعتبرنى زى عبد الله
بالضبط .

مصباح : أنت صاحبه ..؟

قاسم أمين : أكثر .

مصباح : اسمع كلامى يا بنى وروح اشتهل مع

أبوك فى الدكان .

قاسم أمين : يا عم مصباح النديم ما مات طول ما

مصر ولادة .

مصباح : طيب هو فين قبره ..؟

قاسم أمين : مصر لا يمكن تتخلى عن ولادها .

مصباح : يعنى انتم حتقلوا قبره ..؟

قاسم أمين : أكيد مصر مش حتسيبه مدفون هناك .. ده النديم .

مصباح : النديم مات يابنى .

قاسم أمين : النديم ما مات طول ما مصر ولادة .

(فطط / اللي ميخ زج م عوطك لزنج)

الجميع : واحنا مشخصاتية ومغنيين وغاويين

وعاشقين النديم .. بنقول لكم يا مصريين

.. عملتوا لكل زعيم تمثال وحطتوه فى

ميدان .. سعد باشا زغلول .. محمد باشا

فريد .. مصطفى كامل .. محمد على باشا

.. ونسيتوا تنقلوا قبر النديم من تركيا

لمقابر الغفير .. ونسيتوا تعملوا لزعماء

الشعب ميادين وتمائيل تصحى ذاكرة

الإنسان وتعلم الولاد الجايين ان فيه
زعماء شعبيين زى عمر مكرم .. وعبد
الله النديم وأحمد عرابي .. صحيح هما
مش بشاوات ولا من طبقة البهوات ..
لكنهم هما اللى عبروا بالشعب بحر
الظلمات .

(ستار النهاية)

نبذة عن الكاتب وأعماله

لم يترك أي شيء حائط :

- من مواليد ١٩٤٨ محافظة الأسكندرية جمهورية مصر العربية
- خريج جامعة الأسكندرية قسم فلسفة وأجتماع عام ١٩٧٣ / كلية التربية
- دبلوم في علم النفس والتربية عام ١٩٧٥
- مدير قطاع الدراما بالثقافة الجماهيرية بالأسكندرية من ١٩٧٤/١٩٧٦
- حاصل على الجائزة الأولى في التأليف المسرحي بمصر عام ١٩٧٠
- حصل على جائزة أحسن مؤلف لعمل مسرحي موجه للأطفال في الكويت عن مسرحية سندريلا عام ١٩٧٣
- رئيس تحرير مجلة رؤيا والتي تصدر في مصر سابقاً
- مدير مركز الوطن العربي للنشر والأعلام رؤيا لمدته خمسة سنوات (سابقاً)
- عمل بجريدة السياسة الكويتية لمدة ٧ سنوات . (سابقاً)
- حصل على منحة تفرغ من وزارة الثقافة المصرية عام ١٩٩٤ بدرجة رائد من رواد المسرح المصري .
- كاتب وصحفي متفرغ حالياً ..

شخصياتك التي .. طمس لها عزة لزنحى بالكقائد

- كبرياء التفاهة في بلاد اللامعنى ١٩٧٠ كتابات معاصر .
- الطبول الخرساء في الأدوية الزرقاء ١٩٧١ سلسلة أدب الجماهير .
- سيمفونية الحب (مجموعة قصصية) ١٩٨٠ بغداد-وزارة الإعلام .
- حبيبتي أنا مسافر (مسرحية) ١٩٧٩ أدب الجماهير .
- هم كما هو ولكنهم ليس هم الزعاليك (مسرحية) ١٩٨٠ الكويت .
- ظهور وأختفاء أبو زر الغفاري (مسرحية) ١٩٨١ الكويت .
- حبيبتي أميرة السينما (مسرحية) ١٩٨٢ مركز الوطن العربي .
- حكاية الفلاح عبدالمطيع (مسرحية) ١٩٨٢ الكويت .
- يازمن الكلمة الكذب/الخوف/الموت ١٩٨٧ مركز الوطن العربي .
- ٦ رجال في معتقل طبعة ثالثة ١٩٨٩ مركز الوطن العربي .
- سيمفونية الحب طبعة ثانية ١٩٩١ مركز رؤيا .
- كبرياء التفاسة في بلاد اللامعنى طبعة ثانية ١٩٩١ مركز رؤيا .
- سيزيف القرن العشرين طبعة أولى ١٩٩١ مركز رؤيا .
- ٩ مسرحيات تجريبية
- الأشجار تتحنى أحياناً ١٩٩٢ دار العربى .
- رحلات من بسبوسة ١٩٩٤ دار العربى .
- ملك الزبالة ١٩٩٥ دار العربى .
- أشاعة (٦مسرحيات فصل واحد) ١٩٩٥ الهيئة العامة للكتاب .
- وسام من الرئيس ١٩٩٧ دار العربى القاهرة

- قرقوش والاراجوز ١٩٩٧ دار العربى القاهرة

- مسافرون بلا هويه ١٩٩٧ دار العربى القاهرة

صدر للمؤلف مطبوعات مسرحية للأطفال

- سندس ١٩٨٧ دار آزال لبنان.
- على بابا ١٩٨٧ دار آزال لبنان.
- عنر بن شداد ١٩٨٧ دار آزال لبنان.
- فرسان بنى هلال ١٩٨٧ دار آزال لبنان.
- ابوزيد الهلالي ١٩٩٥ الهيئة العامه المصريه
- قميص السعادة ١٩٩٥ دار الثقافة الجديد.
- اولاد جحا ١٩٩٦ دار العربى القاهرة.
- سندريللا ١٩٩٦ دار العربى القاهرة.
- قطر الندى ١٩٩٦ دار العربى القاهرة.
- حب الرومان ١٩٩٦ دار العربى القاهرة.
- الوحش العجيب ١٩٩٦ دار العربى القاهرة.
- سندريللا والأمير ١٩٩٦ دار العربى القاهرة.
- ننوسة والعم كمال ١٩٩٦ دار العربى القاهرة.
- حمدان ومشمشة ١٩٩٦ دار العربى القاهرة.

عنصر ك زغوي لز نج طيفيك

- مسرحية سندريلا (الكويت-سلطنة عمان-البحرين) ١٩٨٣ إخراج/منصور المنصور.
- مسرحية الشاطر حسن (الكويت-دبي-ابوظبي) ١٩٨٣ إخراج/أحمد عبد الحليم .
- مسرحية سندس (الكويت-البحرين- قطر) ١٩٨٥ إخراج/محمود الألفي.
- مسرحية على بابا (الكويت - دبي) ١٩٨٥ إخراج/ أحمد عبد الحليم.
- مسرحية أولاد جحا (الكويت - البحرين) ١٩٨٦ إخراج/ محمود الألفي.
- مسرحية حذاء سندريلا (الكويت -بغداد) ١٩٨٧ إخراج/دخيل الدخيل .
- مسرحية بببي والعجوز (الكويت - بغداد) ١٩٨٨ إخراج/ حسين مسلم.
- مسرحية فرسان بنى هلال (الكويت) ١٩٨٩ إخراج/ محمد سالم .
- عنتر بن شداد (الكويت) ١٩٨٩ إخراج/ أحمد عبد الحليم.
- مسرحية أولاد جحا (مصر) ١٩٨٩ إخراج/ المؤلف .
- مسرحية سندس ١٩٨٩ إخراج/ خمسة مخرجين.
- مسرحية حكاية لولو وكوكو ١٩٩٠ إخراج/ المؤلف .
- مسرحية قميص السعادة - القاهرة ١٩٩٣ إخراج/ محمد عبد المعطي - فرقة تحت ١٨ /القطاع الأستعراضى بطولة: وجدى العربى - عبد الرحمن أبو زهرة - عائشة الكيلاني - علاء عوض.

فيلك لز نج طيفيك قائد

- مسرحية حكاية الفلاح عبدالمطيع فرقة بغداد ١٩٨٠ إخراج/ د. سعدى يونس
- حكاية الفلاح عبدالمطيع فرقة الشباب الكويت ١٩٩٠ إخراج/عبدالله عبدالرسول.
- حكاية الفلاح عبدالمطيع . إخراج/ مجدى عبيد ١٩٩٢ بنى سويف مصر .
- مسرحية أشاعة / ديسمبر ١٩٩١ / مسرح الشباب
- إخراج/ فاروق زكى وبطولة : سمير حسنى- سلوى عثمان - عثمان محمد على - محمود العراقى
- مسرحية حلاوة زمان / فبراير / ١٩٩٣ / إخراج/ عبد الرحمن الشافعي.
- هيئة قصور الثقافة - مصر . بطولة : جمال اسماعيل - محمد متولى - أميرة سالم - لبنى الشيخ - عنان حمدى - موسيقى حمدى رؤوف - ديكور حسين العزبى- أشعار عزت عبد الوهاب .
- (قدمت أعماله فى ١٩ محافظة من محافظات مصر).

فيلك لز كزلا طيفيك يوهى د :

- مبارك (١٥ حلقة) إخراج/كاظم القلاف .
- العطاء سهرة (الكويت) إخراج/ عبدالعزيز منصور.
- الحب الكبير سهرة (الكويت) إخراج/ حسين الصالح .
- الغريب سهرة ٣ أجزاء (الكويت) إخراج/يوسف حمودة.
- صغيرات على الحب مسلسل ١٥ حلقة بطولة: حياة الفهد - إخراج/محمد عيسى.
- ضد الأيام سهرة
- إخراج/كنعان حمد - بطولة : منصور المنصور - هدى حمادة

أعماله المسرحية:

- مسلسل البيت الكبير ٩٠ حلقة/ أذاعة قطر مدة الحلقة ١٥ ق .
- مسلسل غرباء في الحياة البحرين / أذاعة ٣٠ حلقة.
- ٥ مسلسلات أذاعية - الكويت المسلسل ٣٠ حلقة .
- ٩٠ حلقة برنامج كتاب خليجي أذاعة قطر .
- ٣٠ حلقة أغاثة الأمة في كشف الغمة - أعداد وسيناريو أذاعة قطر .
- ٣٠ حلقة مسلسل جنون وفنون التاريخ - أذاعة أبو ظبي
- أخرج/حبيب عكوم .

أعماله الأدبية:

- كتاب بحث رسالة الحكاية الشعبية في مسرح الطفل في الكويت - دراسة في مسرح السيد حافظ للباحثة أمال الغريب - المعهد العالي للفنون المسرحية ١٩٨٤ - الناشر مركز الوطن العربي ١٩٨٧ .
- كتاب بحث رسالة في الشخصية التراثية وظيفتها الفنية والفكرية في مسرح السيد حافظ - سميرة اويلهي - مكناس المغرب ١٩٨٦ - الناشر مركز الوطن العربي ١٩٨٨ .
- بحث في اللغة الشعرية في مسرح السيد حافظ - موسكو - تحت إشراف المستشرق فلاديمير شاجال .
- كتاب اشكالية التأهيل في المسرح العربي - صليحة حسنى - بحث - كلية الآداب والعلوم الإنسانية - المغرب الناشر مركز الوطن العربي ١٩٨٧ .
- كتاب الفلاح في المسرح العربي - نموذج حكاية الفلاح عبدالمطيع - للسيد حافظ - خديجة الفلاح - جامعة محمد الأول -المغرب الناشر مركز الوطن العربي ١٩٨٨ .
- كتاب البطل الثوري في مسرح السيد حافظ - نموذج ظهور وأختفاء أبو ذر الغفاري -منصورية مباركي - جدة - المغرب . الناشر مركز الوطن العربي ١٩٨٩ .
- كتاب القضية الفلسطينية في مسرح السيد حافظ -نموذج ٦ رجال في معتقل شنايف. الحبيب - المغرب . الناشر مركز الوطن العربي ١٩٩٠ .
- مفهوم الأرشادات المسرحية ومسألة التجريب في المسرح العربي . السيد حافظ نموذجا من خلال مسرحية " طفل وقوقع وقزح " حقون حميد - المغرب ١٩٩٢ (تحت الطبع) .
- التجريب في مسرح السيد حافظ الحانة الشاحبة العين تنظر الطفل العجوز الغاضب - نموذجا - عائشة عابد - جامعة محمد الأول - ١٩٩١ (تحت الطبع) .
- الشخصية التراثية الشعبية في مسرح الطفل عن السيد - نموذج على بابا - نزيهة بن طالب . [الناشر - العربي للتوزيع] .
- مسرح الطفل عن السيد حافظ - فاطمة الجارحي - المغرب ١٩٩١ .
- التجريب والعبث في المسرح العربي من خلال مسرحية سيزيف للسيد حافظ - حليلة حقوقى ١٩٩٢ .

مسند آع لك ندغوطك شح . لك لجلر طلكم نلي يحكي بيدي :

- مصر - مجلات الهلال ، الكاتب ، المسرح ، مجلة السينما والمسرح ، مجلة القصة ، الثقافة .
- أبو ظبي - جرائد البيان ، الخليج ، الفجر ، الوثبة - مجلات ماجد ، الأيام .
- سوريا - مجلات الموقف الأدبي ، المعرفة ، الحياة المسرحية
- لبنان - مجلات الآداب ، الفكر المعاصر ، السفير ، جرائد النهار ، الأسبوع العربي ، مجلة الباحث .
- العراق - مجلات الثقافة ، أقلام ، الطليعة الأدبية .
- الكويت - جريدة السياسة ، الأنباء ، القبس ، الرأي العام ، مجلات مرآة الامة ، البيان ، الكويت .
- البحرين - جرائد الموقف ، البحرين ، الاضواء ، مجلة البحرين اليوم .
- السعودية - جرائد الرياض ، الجزيرة ، اليوم ، عكاظ ، مجلات إقرأ ، الفيصل ، المجلة العربية .
- ليبيا - مجلة الثقافة العربية ، جريدة الزحف الأخضر .
- مراسل مجلة الوطن العربي باريس الثقافة العربية ليبيا - الفكر - الأردن - فنون - اليمن .
- رئيس القسم الفني بمجلة صوت الخليج لمدة عام ١٩٨٦ .
- مراسل غير متفرغ الأهرام الدولي .
- عنوان المؤلف ٢١ ش طارق يحيى عبدالغنى - متفرع من ش الترسة - التعاون - الهرم - الجيزة - ج م ع - ت ٣٨٦٨٦٥٧ القاهرة - ت ٨٤٧٧٩٤ - ٤٩٠٤٩٤٧ الإسكندرية .